

Vischnaunca da Breil

Reglament forestal

1998

		I. Disposiziuns generalas	
Art.	1	Intent	5
	2	Principi	5
		II. Administraziun	
	3	Organisaziun	5
	4	Administraziun e survegionza	5
	5	Suprastonza communal	5
	6	Gerau d'uual	6
	7	Selvicultur da revier Menader da menaschi	6
		III. Cultivaziun digl uaul	
	8	Finamira	7
	9	Program annual	7
	10	Segirtad da lavur	7
	11	Protecziun dalla lenna	7
	12	Infrastructura	7
	13	Diever dallas vias d'uual	7
		IV. Products forestals e prestaziuns forestals	
	14	Commercialisaziun	8
	15	Vendita da lenna	8
	16	Consum intern	8
	17	Lenna da taxa	8
	18	Lenna manecla	8
	19	Pigneuls	8
	20	Utilisaziuns nuscheivlas	8
	21	Prestaziun d'economia collectiva	8
		V. Protecziun encunter donns	
	22	Pasculaziun	9
	23	Fiug	9
	24	Campar	9
		VI. Disposiziuns penelas	
	25	Cumpetenzas	9
	26	Multas	9
	27	Scadenza, mieds legals	9

VII. Disposiziuns finalas		
Art. 28	Abrogaziun da dretg da tochen dacheu	10
29	Vigur	10
Aschunta		
1	Definiziun	11
2	Dretg	11
3	Damondas/termins	11
4	Consigna	11
5	Pinar e transport	11
6	Termin per menar naven la lenna	11
7	Liug da diever/commerci/brat	11
8	Reclamaziun	11
9	Lenna da classenas	12
10	Lenna per las alps	12
11	Prezi	12
12	Quantitad	12
13	Fuorma dalla sort	12
14	Vigur	12

Disposiziuns executivas tier la lescha cantunala d’uaul (DEtLCU).

Sebasond sin igl art. 54 dalla lescha cantunala d’uaul (LCU) sco era sin igl art. 38 dall’ordinaziun executiva tier la LCU (OCU).

I. Disposiziuns generalas

Art. 1

Igl uorden forestal regla l’organisaziun, las incumbensas e las obligaziuns dil survetsch forestal dalla vischnaunca. Intent

Art. 2

Ils uauls da vischnaunca duein saver ademplir lur funcziuns da protecziun, d’utilisaziun e dil beinstar public a moda durabla. Principi

II. Administraziun

Art. 3

La vischnaunca meina in agen survetsch forestal. Organisaziun

Art. 4

L’administraziun e la surveglonza dils uauls communal ein causa dalla suprastanza communal. In commember dalla suprastanza ei gerau d’uaul. Administraziun e surveglonza

Art. 5

La suprastanza communal ei responsabla pil manteniment e per la cultivaziun cunvegnetta dils uauls communal. Ella Suprastanza communal

- a) fixescha las directivas dalla politica forestala dalla vischnaunca
- b) propona al cussegl da vischnaunca l’elecziun dil selvicultur da revier e sia salarisaziun. La salarisaziun dil selvicultur da revier sedrezza tenor las disposiziuns executivas decisivas dil cantun
- c) relai la descripziun dalla piazza e fixescha ils duers e las competenzas dil selvicultur da revier
- d) approbescha il program annual
- e) fa il preventiv
- f) tracta las damondas per lenna da diever
- g) fixescha ils prezis per la lenna taxa

- h) procura annualmein la publicaziun per las damondas da lenna da diever e da brisch
- i) survigilescha la gestiun dil menaschi
- j) engascha ils luvriers d'uaul e fixescha las cundiziuns da survetsch
- k) surdat lavurs che survargan las cumpetenzas dil selvicultur
- l) surdat ensemen cul selvicultur las lavurs ch'ei el preventiv, el program da lavur annual ed ein finanziamein en cumpetenza dalla suprastonza communal
- m) surdat ensemen cul selvicultur las lavurs subvenziunadas ed ordinadas digl uffeci forestal cantunal; cun resalva digl art. 11 da quest regulativ
- n) survigilescha la vendita dalla lenna
- o) punescha surpassaments digl uorden forestal communal.

Sch'ei vegn tractau en las sedutas dalla suprastonza communal fatgs digl uaul, eis ei d'envidar il selvicultur da revier cun vusch consultativa.

Art. 6

Gerau d'uaul

Il gerau d'uaul:

- a) promova l'economia forestala e la commercialisaziun dalla lenna en vischnaunca
- b) representa ils interess forestals en la suprastonza communal ed en la populaziun
- c) pren part allas uatgas forestalas
- d) fa proposta alla suprastonza communal davart damondas per lenna da taxa
- e) fa la proposta alla suprastonza communal per surdar las lavurs forestalas ch'ei buca el preventiv e program da lavur e propona alla suprastonza communal per mauns dil cussegl surdadas da lavurs che survargan las cumpetenzas finanzialas dalla suprastonza comunala
- f) interquera e fa propostas appartenent surpassaments.

Art. 7

Selvicultur da revier
Menader da menaschi

Il selvicultur da revier vegn elegius dil cussegl da vischnaunca ed engaschaus e salarisaus tenor las disposiziuns executivas decisivas dil cantun.

El ha l'obligaziun da menar il menaschi forestal tenor las disposiziuns executivas dil cantun e tenor la descripciun dalla piazza.

III. Cultivaziun digl uaul

Art. 8

Ils uauls comunals ein da cultivar tenor las disposiziuns fixadas en la planisaziun forestala. Finamira

Art. 9

Las lavurs sedrezzan tenor il program annual approbau e tenor il preventiv. Program annual

Art. 10

Lavurs d'uaul astgan vegnir exequidas sulettamein da luvriers scolai correspudentamein e sulettamein observond las disposiziuns davart la segirtad da lavur digl ISAA. Lavurs a tiarzas astgan vegnir surdadas ultra da quei sulettamein cun l'obligaziun dad observar las prescripciuns da segirtad necessarias e cun la cundiziun d'agir cun tut quita. Tier lavurs en accord ein las cundiziuns da pinar e transportar da fixar en in contract. Segirtad da lavur

Art. 11

Leu, nua ch'igl ei necessari per motivs fitosanitars e per segirar la qualidad, sto la lenna vegnir allontanada immediat ord igl uaul u vegnir tractada a moda cumpetenta. Protecciun dalla lenna

Art. 12

Per cultivar ils uauls comunals eis ei da crear in'infrastructura convegnenta e quella ei da mantener en in bien stadi. Infrastructura

Art. 13

Il diever dallas vias d'uaul ei lubius sulettamein per intents forestals ed agricols sco era per las excepziuns lubidas tenor la lescha d'uaul federala e cantunala. Diever dallas vias d'uaul
Ulteriuras excepziuns ha la vischnaunca reglau el reglament per il carrar las vias dad alp, d'uaul e funsilas dalla vischnaunca da Breil cun vehichels a motor.

IV. Products forestals e prestaziuns forestalas

Commerciali- saziun	<p>Art. 14 La vischnaunca commercialisescha ils products forestals e las prestaziuns forestalas il meglier pusseivel. Ella sa sustener associaziuns cun las medemas finamiras.</p>
Vendita da lenna	<p>Art. 15 La vendita dalla lenna vegn fatga dil selvicultur da revier per la vischnaunca tenor ils principis dallas «usanzas commercialas da lenna dalla Svizra».</p>
Consum intern	<p>Art. 16 La lenna da diever che vegn duvrada per baghetgs communal vegn messa a quen per il prezi da fiera. La lenna da brisch per tals baghetgs vegn messa a quen per il prezi ordinari da lenna da brisch.</p>
Lenna da taxa	<p>Art. 17 La suprastanza communal decide davart las cundiziuns da vendita da lenna da taxa allas personas cun dretg sin quella. Ei valan las prescripziuns en l'aschunta 1.</p>
Lenna manecla	<p>Art. 18 Sco lenna manecla valan lenna secca sidretg u lenna per tiara cun meins che 16 cm diameter en l'altezia dil pèz, sco era roma, scorsa, restonzas da tagl e tocca libra. Il dretg da rimnar lenna manecla ha tgi ch'ei en possess d'ina lubientscha digl uffeci forestal da revier ni dalla administraziun communal.</p>
Pigneuls	<p>Art. 19 Pigneuls astgan vegnir tagliai sulettamein sut survegionza forestala.</p>
Utilisaziuns nuscheivlas	<p>Art. 20 Igl encavrir, il sromar e scursar plontas vivas, rimnar sternem, far fein e pastg sco tut donnegiar plontas ei scumandau e vegn castigiau. Davart excepziuns decide il departement cantunal correspondent.</p>
Prestaziun d'economia collectiva	<p>Art. 21 Ils cuosts per las prestaziuns d'economia collectiva ein da cumprovar e da metter ton sco pusseivel a quen als gudiders. Tut ils recavs per las prestaziuns d'economia collectiva e per utilisaziuns secundaras duein vegnir screts dabien al quen forestal.</p>

V. Protecziun encunter donns

<p>Art. 22 L'utilisaziun dils uauls sut pasculaziun ei da reglar en curvegnyentscha cun il survetsch forestal en in reglament da pasculaziun u en projects per separar igl uaul e la pastira.</p>	Pasculaziun
<p>Art. 23 Igl ei lubiu da far fiug egl uaul u en vischinonza da quel sulettamein sch'ei dat negin prigel d'incendi.</p>	Fiug
<p>Art. 24 Igl ei scumandau da campar egl uaul.</p>	Campar
VI. Disposiziuns penals	
<p>Art. 25 La suprastanza communal ei cumpetenta per tuts surpassaments encunter igl uorden forestal, aschilunsch che quels ein buca sutta-mess alla cumpetenza d'ina outra instanza.</p>	Cumpetenzas
<p>Art. 26 Ils surpassaments dil present uorden forestal vegnan puni cun multas da 100 tochen 5000 francs, ultra dall'obligaziun da suprender l'indemnisaziun cumpleina dil donn.</p>	Multas
<p>Art. 27 Las multas e l'indemnisaziun dil donn ein da pagar alla cassa communal enteifer in meins suenter la consignaziun dalla disposiziun dalla multa. Encunter las multas dadas dalla suprastanza communal ha il puniu il dretg da recuorer tier la cumissiun da recuors dalla vischnaunca per mauns dil cussegl da vischnaunca.</p>	Scadenza, mieds legals
<p>Las personas ufficalas ein obligadas da denunziar ils surpassaments che vegnan ad els ad ureglia.</p>	Obligaziun da denunziar

VII. Disposiziuns finalas**Art. 28**

Abrogaziun da dretg da tochen dacheu

Igl uorden forestal digl 1 da matg 1986 vegn abrogau.

Art. 29

Vigur

Questas disposiziuns executivas inclusiv l'aschunta van en vigur cun l'approbaziun dalla radunonza communal da vischnaunca dils 11 da december 1998 e l'approbaziun entras la Regenza dil cantun Grischun.

En num dalla suprastanza communal

Il president:
Sep Cathomas

Il canzlist:
Fridolin Cahenzli

Aschunta 1**Lenna da taxa****Art. 1**

Sco lenna da taxa vala la lenna da diever e la lenna da brisch che vegn vendida dalla vischnaunca. Definiziun

Art. 2

La lenna da diever vegn vendida a tuttas burgheisas e burgheis sco era a tuts auters che han possess da habitar en vischnaunca e fan diever da lenna per scaldar lur possess. Dretg

Art. 3

Damondas per obtener lenna da diever e da brisch ein d'inoltrar all'administraziun communal per mauns digl uffeci forestal entochen il datum publicau. La suprastanza decida davart las damondas. Damondas/termins

Art. 4

La lenna da taxa ei da pinar normalmein ord ils tagls ordinaris u ord utilisaziuns sforzadas. La consigna naven dalla cuscha ei scumandada, perencunter ei il luvrar si lenna derschida cun consentiment dil forester lubiu. Consigna

Art. 5

La vischnaunca ei responsabla pil pinar e pil transport dalla lenna da taxa tochen sper via carrabla. Pinar e transport
Lenna buca controllada e marcada astga buca vegnir menada ord igl uaul senza lubientscha dil forester.

Art. 6

Lenna da taxa ch'ei buca vegnida menada ord igl uaul enteifer in onn dapi la consigna, croda senza restituziun alla vischnaunca. Termin per menar naven la lenna

Art. 7

La lenna da diever e da brisch astga vegnir duvrada sulettamein sil territori dalla vischnaunca da Breil. Il commerci cun lenna da taxa ei scumandaus. Liug da diever/commerci/brat

Art. 8

Eventualas reclamaziuns concernent quantidad e qualidad ein da far a scret avon che la lenna vegn menada naven, sil pli tard denton 15 dis suenter la repartiziun e quei agl uffeci forestal da revier. Suenter quei termin croda, cun excepziun da munglaments zuppai, la responsabladad dalla vischnaunca. Reclamaziun

Art. 9Lenna da classe-
nas

La vischnaunca ceda per la construcziun ed il manteniment da classenas obligatorias las aissas ed ils pals franco resgia ni magasin forestal. Pals ed aissas vegnan dai giu gratuit.

Art. 10Lenna per las
alps

La lenna da brisch per il diever dallas alps vegn pinada dils organs forestals. La lenna sa vegnir luvrada si entras la caschada e vegn dada giu gratuit.

Art. 11

Prezi

La lenna da diever vegn dada giu per il prezi commercial actual. La lenna da brisch vegn vendida per il prezi dalla sort, che vegn fixaus entras la suprastanza communal.

Art. 12

Quantitad

Il selvicultur da revier fixescha mintg'onn la quantitad totala per lenna da taxa, risguardond la planisaziun da menaschi. Quella quantitad vegn repartida sin las damondas inoltradas.

Art. 13

Fuorma dalla sort

La consigna succeda en fuorma da blocca sper vias d'uau carablas. Sch'il retschavider giavischa che la lenna vegni cavigliada e furnida a casa, succeda quei pils cuosts effectivs.

Art. 14

Vigur

Questa aschunta passa en vigur cun l'approbaziun dalla radunonza communal da vischnaunca dils 11 da december 1998.

**En num dil cussegl
da vischnaunca**

Il president: *Clau Schlosser*
Igl actuar: *Fridolin Cahenzli*

**En num da suprastanza
comunala**

Il president: *Sep Cathomas*
Igl actuar: *Fridolin Cahenzli*

**En num dalla Regenza tenor conclus dils 19 da schaner 1999,
Nr. 80**

Il president: *K. Huber*

Il cancelier: *Dr. Riesen*